

**Mensahe sa Paska
sa Metropolitan sa Singapore ug sa Habagatang-Sidlakang Asia,
SERGIY**

**ngadto sa Labing Halangdong mga kaparian,
mga klerico, mga monastiko ug sa tanang orthodox nga panon
sa Patriarkal Exarchate sa Habagatang-Sidlakang Asia**

**Labing Dunganong mga Kaparian, Talahorng mga Amahan,
Minahal na mga kaisgonan!**

SI KRISTO NABANHAW!

Uban sa kalipay nga akong ipaabot kaninyo kining karaan nga saludo ug mainitong pangumusta kaninyong tanan niining maong dako nga Pyesta sa Paska sa Ginoo!

Matag tuig, ang mga magtotoo nagahulat diha sa kahingangha alang niining adlaw sa pyesta nga moabot, nagapangandam niini uban ang labing kakugi ug sa lig-ong paghupot sa ilang espesyal nga paglaom niini. Alang kanatong tanan, ang Paska mao ang bag-ong sinugdanan, ang sinugdanan sa bagong yugto sa atong kinabuhi, diin, nga sa atong paglaom, aduna pay daghang kalipay ug kahayag, daghan pang kaayohan ug gugma. Kini sama sa usa ka parola nga nagadan-ag sa atong dalan ngadto sa kaluwasan, padulong sa nagadupa nga mga bukton sa atong Langitnong Amahan.

Nganong kining maong pyesta mahal man kaayo kanato? Nganong kining mga pulong “si Kristo Nabanhaw” ginapamulong sa mga magtotoo uban na sa ingon nga inspirasyon? Ang tubag mahimo nga ang panaad sa Ginoo Mismo nga human sa Iyang Pagkabanhaw *walay usa nga mahimong makakuha sa atong kalipay gikan kanato* (Juan 16:22). Ang kalipay maoy usa ka importanteng kinahanglanon sa tinuod nga malipayong kinabuhi, kay kung walay kalipay kita dili makahimo o makabuhat nga mabungahon; kay pag-walay kalipay ang atong mga pag-ampo ug partisipasyon diha sa mga sakramento sa Simbahan mahimo lamang nga pormalidad; pagwalay kalipay lisod mahimong usa ka buotan ug mahuyang nga tawo ug maslabawng lisod alang sa pagtabang sa uban ug sa paglihok sa mga buhat sa kalooy sama sa kamandoan sa Dios kanato.

Walay bisan unsa nga lumalabay o dili makanunayon sa kalipay nga gihatag ni Kristo kanato sa Iyang Pagkabanhaw. Usa kini nga kalipay nga makaabot ngadto sa walay katapusan. Ang atong Ginoo mibangon gikan sa lubnganan – ug nagahatag og paglaom nga sa maong pagkabanhaw nga gihulat sa matag usa kanato ug nga, mao, ang kamatayon walay gahom kanato tungod kay dili kini ang kataposan sa kinabuhi, apan ang sinugdanan sa walay katapusang kinabuhi uban ang Dios.

Niining maong masanag nga mga adlaw Ako nagahinaut kaninyong tanan, akong mga hinigugma, sa pagpabilin diha sa maayong lawas ug uban ang malipayong spiritu, diha

sa kalipay ug kalinaw, nga ang matag usa kaninyo, diha sa pulong ug buhat, sa pag inusara ug taliwala sa uban, diha sa simbahan ug sa panimalay, uban ang lig-on nga pagsalig diha sa kalooy sa Dios mahimong magadala isip saksi.

SI KRISTO MATUOD NGA NABANHAW!

+SERGIY

**Metropolitan sa Singapore ug sa Habagatang-Sidlakang Asia
Patriarkal Exarch sa Habagatang-Sidlakang Asia**

*Paska ni Kristo 2024
Singapore*